

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» հոկտեմբերի 2016թ.

N-----Ա

ՈՐՈՇՈՒՄ

ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ՏԱՐԱԾՔՆԵՐ ՏՐԱՄԱԴՐԵԼՈՒ ՄԱՍԻՆ

Հիմք ընդունելով Հայաստանի Հանրապետության քաղաքացիական օրենսգրքի 685-րդ հոդվածը, «Պետական ոչ առևտրային կազմակերպությունների մասին» Հայաստանի Հանրապետության օրենքի 5-րդ հոդվածի 1-ին և 2-րդ մասը՝

Երևան քաղաքի ավագանին որոշում է.

1. Թույլատրել Երևանի քաղաքապետին՝ Երևան համայնքի տնօրինության մանկապարտեզներ հանդիսացող համայնքային ոչ առևտրային կազմակերպություններին անհատույց օգտագործման իրավունքով ամրացված անշարժ գույքից հետ վերցնել և անհատույց, անժամկետ օգտագործման իրավունքով համայնքային ոչ առևտրային կազմակերպություններին տրամադրել իրենց կողմից զբաղեցրած տարածները՝ համաձայն հավելվածի:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ՏԱՐԱԾՔՆԵՐ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ներկայացվող նախագծով նախատեսվում է Երևանի համայնքի ենթակայության «Երևանի Կենտրոնի շախմատի մանկապատանեկան մարզադպրոց» ՀՈԱԿ-ի և «Երևանի Մալաթիա-Սեբաստիա շախմատի մանկապատանեկան մարզադպրոց» ՀՈԱԿ-ի զբաղեցրած տարածքների նկատմամբ ձևակերպել ՀՈԱԿ-ների օգտագործման իրավունքը:

Նշված ՀՈԱԿ-ները տեղակայված են Վրացյան փողոցի հ.80 հասցեում գտնվող «Երևանի հ.3 մանկապարտեզ» և Հ/Ա Բ-2 թաղամասում գտնվող «Երևանի հ.82 մանկապարտեզ» ՀՈԱԿ-ներին ամրացված տարածքներում:

Հարկ է նշել, որ Վրացյան փողոցի հ.80 և Հ/Ա Բ-2 թաղամասում գտնվող նախադպրոցական ուսումնական հաստատությունների շենքերը և դրանց զբաղեցրած և սպասարկման համար անհրաժեշտ հողամասերը հանդիսանում են Երևանի համայնքի սեփականությունը (հիմք՝ 18.11.2010թ. հ.2791011, 21.07.2011թ. հ.2768334 վկայականներ):

«Պետական ոչ առևտրային կազմակերպությունների մասին» Հայաստանի Հանրապետության օրենքի 5-րդ հոդվածի համաձայն՝ հիմնադիրը կարող է պետական կազմակերպությանն անժամկետ և անհատույց օգտագործման իրավունքով ամրացնել ցանկացած գույք: Նույն օրենքի 9-րդ հոդվածի համաձայն՝ օրենքի պահանջները տարածվում են նաև համայնքային ոչ առևտրային կազմակերպությունների վրա:

Հաշվի առնելով շախմատի բարերար ազդեցությունը երեխաների մտքի ճկունության զարգացման հարցում, ինչպես նաև կարևորելով շախմատի դպրոցների անհրաժեշտությունը առաջարկվում է Երևանի համայնքի սեփականություն հանդիսացող, սույն որոշմանը կից հավելվածում ընդգրկված տարածքներն անժամկետ և անհատույց օգտագործման իրավունքով համապատասխանաբար տրամադրել նույն հավելվածում նշված համայնքային ոչ առևտրային կազմակերպություններին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ՏԱՐԱԾՔՆԵՐ ՏՐԱՄԱԴՐԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ
ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Անհատույց օգտագործման իրավունքով տարածքներ տրամադրելու մասին» որոշման ընդունման կապակցությամբ Երևան համայնքի բյուջեի եկամուտներում և ծախսերում փոփոխություններ չեն սպասվում:

ՏԵՂԵԿԱՆՔ

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ՏԱՐԱԾՔՆԵՐ ՏՐԱՄԱԴՐԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՈՒԹՅԱՄԲ
ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ
ՄԱՍԻՆ**

Երևան քաղաքի ավագանու «Անհատույց օգտագործման իրավունքով տարածքներ տրամադրելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

„____” _____ 2016թ.

Հ. _____ -Ա Որոշման

Ց Ա Ն Կ

**ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻՆ ԱՆՀԱՏՈՒՅՑ ՕԳՏԱԳՈՐԾՄԱՆ
ԻՐԱՎՈՒՆՔՈՎ ՏՐԱՄԱԴՐՎՈՂ ՏԱՐԱԾՔՆԵՐԻ**

NN ը/կ	Համայնքային ոչ առևտրային կազմակերպու- թյան անվանումը	Անշարժ գույքի գտնվելու վայրը	Անշարժ գույքի նկատմամբ իրավունքների պետական գրանցման վկայական	Համայնքային ոչ առևտրային կազմակերպու- թյան անվանումը	Համայնքային ոչ առևտրային կազմակերպու- թյան գտնվելու վայրը	Անհատույց օգտագործման իրավունքով տրամադրվող տարածքի մակերեսը (քառ. մետր)	Անշարժ գույքի գնահատված արժեքը՝ ըստ գնահատման վերաբերյալ հաշվետվության (ՀՀ դրամ)
1	2	3		4	5	6	7
1	«Երևանի հ.3 մանկապարտեզ» ՀՈԱԿ	Վրացյան փողոց հ.80	14.04.2016թ. Հ.14042016-01- 0127	«Երևանի Կենտրոնի շախմատի մանկապատան եկան մարզադպրոց» ՀՈԱԿ	Վրացյան փողոց հ.80	251.49	95 000 000
2	«Երևանի հ.82 մանկապարտեզ» ՀՈԱԿ	Հ/Ա Բ-2 թաղամաս	11.05.2016թ. Հ.11052016-01- 0177	«Երևանի Մալաթիա- Սեբաստիա շախմատի մանկապատան եկան մարզադպրոց» ՀՈԱԿ	Հ/Ա Բ-2 թաղամաս	667.27	70 000 000